



Inatsisartuni ilaasortaq Mala Høy Kuko, Siumut

Nassiunneqarpoq ugguuna: inatsisartut@inatsisartut.gl

31-01-2018
Sagsnr. 2018-2111

**Iloqarfinni mikinnerni aamma nunaqarfinni aningaaserivinnit
anigaasanik tiguisarfinnik (pengeautomatinik) peqarneranut
tunngasumik § 37 naapertorlugu apeqqtunut saqqummiunneqartunut
akissuteqaat.**

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Inatsisartut suleriaasianni § 37 naapertorlugu Naalakkersuisunut apeqquteqaateqarputit illoqarfinni mikinerusuni nunaqarfinnilu aningaaserivinnit aningaasanit tiguisarfiit pillugit. Apeqqtigisatit uannit akineqartussanngorlugit innersuussutigineqarput. Akissuteqaatip suliarineqarneranut atatillugu KNI A/S-mutt paasissutissanik pissarsiortoqarpoq. Apeqqtigineqartut matuma kinguliani akissuteqarfigineqarput.

Apeqqt 1:

Nunaqarfiit qassit bankimiit anigaasanut automat-tinik (Pengeautomat) peqartinneqarpat?

Akissuteqaat:

KNI A/S imatut ilisimatitsivoq:

"

KNI nunaqarfinni aningaaserivinnit anigaasanik tiguisarfinnik peqanngilaq, kisiannili aningaaserivinnit anigaasanik tiguisarfinnik Narsarmi, Nanortalimmi, Paamiuni, Aasiaani, Qasigianguani, Qeqertarsuarni, Uummannami, Upernavimmi aamma Tasiilami peqarluni. KNI-p Namminersorlutik Oqartussanut kiffartuussinermut isumaqatigiissut naapertorlugu aningaaseriveqarnermik nunaqarfinni aamma illoqarfinni toqqarneqartuni ingerlatsisuuvoq, taakkunilu sullitat aningaaserivinni isumagisassaminnik isumaginnissinnaapput tassunga ilanngullugit aamma anigaasanik tiguisinnaaneq.

"

Apeqqu 2:

Bankimiit Aningaasanik tigusineq ataaseq nuna tamakkerlugu assigiimmik akeqartinneqarpa? Qanoq tiguisoq akiliisarpa?

Akissuteqaat:

KNI A/S imatut ilisimatitsivoq:

"

Aningaaserivinnit aningaasanik tiguisarfinnik atuinerni illoqarfinni Grønlandsbankenip qaqugukkulluunniit akigitittagai suliassaqaarfimmi tassani atortinneqartarput tamannalu namminneq aquppaat. Tamatumunngalu atatillugu annertunerusunik paasissutissat pillugit Grønlandsbankenip akinut nalunaarsuiffia innersuutissavarput. Akigitinneqartumut pissutsit assigiinngitsut apeqquataasarput. Nunaqarfinni aningaasanik tiguisarnernut akigitinneqartumi aammattaaq Grønlandsbankenip suliassaqaarfimmi qaqugukkulluunniit akigititai malinneqarput.

"

Apeqqu 3:

Nunaqarfinniit ilaqttanut aningaasanik nassiussisoqaraangat qanoq annertutigisumik akileeqqaarlutik nassitsisarpap? Akia nuna tamakkerlugu assigiippa?

Akissuteqaat:

KNI A/S imatut ilisimatitsivoq:

"

Akitsuutitut akigitinneqartuni Grønlandsbankenip akitsuutitut akigititai malinneqarput aamma nuna tamakkerlugu taakku assigiippat. Innersuussutigissavarput Pilersuisup aningaaseriveqarnermik ingerlatsinerminut akigititaminut nalunaarsuiffia taanna ingerlaavartumik Grønlandsbankenip akigititaanut iluarsineqartarpoq:

<https://www.pilersuisoq.gl/kl/varer/udlejningssatser-gebyrer/>

Inummut allamut aningaasanik nuussineq maannakkut nuussinermut ataatsimut 40 koruuninik akeqarpoq.

"

Taamaattorli netbank atorlugu nammineq inummut allamut aningaasanik nuussisinnaaneq periarfissaavoq sumiiffinni internetimik attaveqarfiusinnaasuni.

Apeqqu 4:

Akiligassanik akiliinermi innuttaasoq bankimut akiliummik (Gebyr) qassinik akiliisarpa?

Akissuteqaat:

KNI A/S imatut ilisimatitsivoq:

"

Taamatutaaq akiliutini Grønlandsbankenip akigitai malinneqarput. Innersuussutigissavarput Pilersuisup aningaaseriveqarnermik ingerlatsinerminut akigitaminut nalunaarsuiffia taanna ingerlaavartumik Grønlandsbankenip akigititaanut iluarsineqartarpoq. Maannakkorpiaq FI-mik aamma girokortimik akiliinerit akiliinermut ataatsimut 35 koruuninik akiat aalajangerneqarpoq.

"

Ilanngullugu takuuk apeqqummut 3-mut akissuteqaat.

Apeqqu 5:

Tigusinermi, nassitsinermi akiligassanillu akiliinermi aningaasat qaavatigut akiliissutaasartut qanoq amerlatigisut ukiumut isertitsissutaasarpat?

Akissut:

KNI A/S imatut ilisimatitsivoq:

"

KNI ilisimatitsivoq ingerlatseqatigiiffittut allatulli ataatsimut isiginnilluni taamaallaat ilisimatitsissutigisinnaallugu ingerlatseqatigiiffiup katillugit kaaviiartitarisai niuerfinni pingaarnerni nioqqutissanik tuniniaanermut immikkoortartaqarfimmut aamma ikummatissaqarnermut immikkoortartaqarfimmut agguataarnertut. Taamaattumik ingerlatseqatigiiffiup nioqqutigisanut assigiinngitsunut ataasiakkaanut agguataarlugit kaaviiartitarisai ilisimatitsissutigineqarsinnaanngillat, taakkununga ilanngullugit akitsuutitut akiliutigisakkat.

"

Apeqqu 6:

Taamatut ingerlatsineq iluanaarutaava/amingartoorutaava?

Akissuteqaat:

KNI A/S imatut ilisimatitsivoq:

"

Suliassaqarfimmi KNI-p Namminersorlutik Oqartussat sinnerlugit aningaaserivittut ingerlatsivigisaani akitsuutitsigut isertitat aamma kiffartuussinermut isumaqatigiissut KNI-p tamatumunnga atatillugu aningaasartuutaanut naleqqussagaapput."

Apequt 7:

**Pilersaaruteqartoqarpa Nunaqarfiit aningaasanut automatik
anigaaserivinniit sullinneqalernissaannut? Sumi? qaqugulu?**

Akissut:

Maannakorpiaq nunaqarfinni aningaasanik tiguisarfinnik
pilersitsisoqarnissaanut tunngatillugu pilersaaruteqartoqanngilaq.

Taamaattorli Naalackersuisut pilersaarutigaat nunaqarfinni maannakut
anigaaseriveqarnermik aaqqissuussinerup nutarteriffigineqarnissaa,
taamaaliornikkut sullitat pitsaanerpaamik kifartuunneqassammata.

Inussiarnersumik inuulluaqqusillunga

Hans Enoksen